

## Молитва архангелу Михаилу, архистратигу небесных сил

Автор: klaus

28.07.2011 07:59 - Обновлено 28.07.2011 08:03

---

Тропарь, глас 4: Небесных воинств Архистратизи, молим вас присно мы, недостойнии, да вашими молитвами оградите нас кровом крил невестественная ваша славы, сохраняющены, припадающия прилежно и вопиющия: от бед избавите ны, яко чиновачальницы Вышних сил.

Молитва: Святой и великий Архангеле Божий Михаиле, Неисповедимый и Пресущественный Троицы первый во Ангелех предстоятелю, рода же человеческого приставниче и хранителю, сокрушивый с Воинства своими главу прегордаго денницы на Небеси и всегда посрамляяй злобу его на земли! К тебе с верою прибегаем и тебе с любовью молимся: буди щит несокрушим и забрало твердо Святей Церкви и Православному Отечеству нашему, ограждая их молниеносным мечем твоим от всех враг видимых и невидимых. Буди вождь и соратай непобедим Христолюбивому воинству нашему, венчая его славою и победами над супостаты, да познают вси противляющияся нам, яко с нами Бог и святии Ангели Его. Не остави же, о Архангеле Божий, помощь и заступлением твоим и нас, прославляющих днесь святое имя твое: се бо, аще и многогрешни есмы, обаче не хотим в беззакониих наших погибнути, но еже обратиться ко Господу и оживленным быти от Него на дела благая. Озари убо ум наш Светом Божиим, да возможем разумети, что есть воля Божия о нас благая и совершенная, и ведети вся, яже подобает нам творити и яже презирати и оставляти. Укрепи благодатию Господнею слабую волю и немощное произволение наше, да утвердившися в законе Господни, престанем прочее влятися земными помысли и похотьми плоти и ради тленного и земного вечная и небесная безумно забывати. Над всеми же сими испроси нам свыше дух истиннаго покаяния, нелицемерную печаль по Бозе и сокрушение о гресех наших, да остающее нам число дней временнаго жития нашего во изглаждение зол содеянных нами совершим. Егда же приблизится час скончания нашего и освобождения от уз брэннаго сего телесе, не остави нас, Архангеле Божий, беззащитных противу духов злобы поднебесных, обыкших преграждати души человечестей восход в горняя; да, охраняеми тобою, безпреткновенне достигнем оных преславных селений райских, идеже несть печаль, ни въздыхание, но жизнь безконечная, и сподобимся узрети пресветлое лице Всеблагаго Господа и Владыки нашего и Тому воздати славу, со Отцем и Святым Духом, во веки веков. Аминь.